

全

金

诗



御訂全金詩增補中州集卷六十七

金元好問原本

元好問五

以下詩從全集補入

同希顏再登箕山

千年箕山祠蘿徑深以悄桂樹不復見禿藪餘秋

篠盤盤盡絕頂石冢平木杪長風萬里來筋骸覺

輕矯側身望巖竇解衣憩林表是時夏春交野色
亂青縹川光乍明滅地脉互縈繞岡巒蟻垤出井
邑蜂衙擾紅塵洛陽昏白雲太行曉元功信冥漠
一覺疑可了悟彼東山人胸中魯宜小

雜著五首

稟氣寡所諧衣食固無端所業在農桑甘以辭華
軒田家豈不苦歲功聊可觀帶月荷鋤歸徘徊丘
隴閒曖曖遠人村紛紛飛鳥還養真衡茅下庶無

異患千遙謝荷條翁躬耕非所嘆

守拙歸田園淹留自無成長吟掩柴門遂與塵事
冥素月出東嶺夜景湛虛明揮杯勸孤影杯盡壺
自傾遙遙望白雲千載有深情
榮叟老帶索原生快納屨邈哉此前修久而道彌
著人生少至百每每多憂慮量力守故轍餘榮何
足顧棲遲固多娛幾人得其趣

襟李羅堂前霜露榮悴之咄咄俗中惡人道每如

全言卷六十一
二
茲冬嶺秀孤松卓然見高枝提壺撫寒柯懷此貞
秀安願留菟君住終身與世辭

世短意恒多時駛不可追感彼栢下人泣然沾我
衣運生會歸盡彼此更共之理也可奈何一觴聊
可揮酒中有深味情隨萬化遺西南望崑墟靈人
侍丹池我無騰化術帝鄉不可欺且極今朝樂千

載非所知

穎谷對人廟

淺淺潁谷雲融融潁川水封君去我久水雲自清

美人言君善諫微意得鄭子特於悔悟時一語發

天理大孝動天地土苴及頑鄙反身而未誠善諫

且敗矣如何千歲下乃與茅焦此我行潁川道永

念負甘旨願作潁尾魴因之日千里

贈答劉御史卿雲三首

舊聞劉君公學經發源深驂騶萬里氣聖途已駸

駸大梁語三日副我夙所欽濂溪無北流此道日

西沉百年牛山木不復秀穹林南風雖寥寥聞絃
猶賞音獨憐方毗子一我無古今共學君所貪適
道我豈任酬醜無別物徒有好賢心

阿京吾所畏早生號能文初無王家癖聲光自流
聞此行不虛來得接大小君信知珠玉淵足當羔
鴈羣君家有箕裘聖學待冊勲但使本根在枝葉
復何云殷勤五色筆未用摧千軍
老鶴何許來澹與孤雲同相值太虛室悠然復西

東聖學要深談惜君別匆匆何時沂水上同詠舞
雩風

送欽叔內翰并寄劉達卿郎中白文舉編修

三首

忽忽歲云莫烈烈風霜威舉頭望長安游子從此
歸我有平生懷愛君如連枝半年姜肱被所樂良
不貲尚恨人事異離合無定時送君酒一杯侑以
彈鋏辭上言行路難下言長相思

六月渡盟津十月行汜水風濤脫沉舟冰雪危墮
指孝子在中野永念負甘旨家貧親已老形瘵心
欲死古稱季路孝負米曾百里顧作鯉與魴寧當
怨蘋尾君歸不可緩獻壽迫歲始遙知慈母心已
爲烏鵲喜

一年不製衣春服犯霜風一日僅兩食腸胃不得
充生平萬里氣頓入低回中田夫怒攘臂縮首甘
盲聾老兵賜顏色歡喜無所容求索厭朋友勞苦

慚僕僮無聊復無聊又復招災凶我有一樽酒澆
君魂磊胸君年始三十白髮成一翁顧以寸心微
受此百慮攻君窮復何辭不見閒閒公文章二百
年不救四壁空

德禪師清涼草堂

舊隱伊陸巷把茅入宴息新居蘭若峰老屋補漏
坼鐘魚有勝氣餅錫無滯迹迴頭仙人隊談笑初
木隔結草幾成壞逆旅誰主客道人那計許一笑

山月白多生負詩債秋物苦催索遙知得新句崧

少爲動色

上人舊隱伊陽伊陽有伊陸
奉仙入隊者女兒山諸峰名

北邙

驅馬北邙原踟躕重踟躕千年富貴人零落此山

隅萬塚不復識榛莽餘龜趺賢愚同一盡感極增

悲歎粵人惟物靈生也與道俱一爲物所眩遂爾

迷厥初蛻骨幾山丘百年不須臾歸盡固其理交

喪亦已愚陳迹有足悲奈此萬化途焉知原

不有當年吾

龍門雜詩一首

不見木菴師胸中滿泥塵西窓一握手大笑傾冠
巾青山有佳招一游負因循老筇動高興萬景森
前陳乾元先有期清伊亦知津細看潛溪樹高卧
香山雲學詩二十年鈍筆死不神乞靈白少傅佳
句儻能新遙遙洛陽城梅花千樹春山中有忙事
寄謝城中人

示姪孫伯安

伯安入學小穎悟非凡兒屬句有夙性說字驚老
師見汝挾書歸憶我青衿時青衿昨日耳齒髮忽
如茲讀書悞人多濶疎亦天資元無倚天劍可斷
扶桑枝倚梯望青冥愚者知笑之壯事已無取老
謀欲何施幸此掌中孫未染如素絲就令好紙筆
門戶誰當支我有商餘田汝壯可耘耔便當學種

樹未用城南詩

伯安方讀韓集
符讀書城南

種松

百錢買松羔植之我東墻汲井沱塵土插籬護牛

羊一日三摩挲愛比添丁郎昨宵入我夢忽然變

昂藏昂藏上雲霄慘澹含風霜起來月中看細鬣

攢針芒鬪然一太息何年起明堂鄰叟向我言種

木本易長不見河畔柳顧盼百思君自作遠計

今日何所望

虞卿麻長官成趣園二首

全金言卷六十一
鑿池水交流築屋山四繞衡門在人境三徑深以
悄中庭八九樹晨坐聽百鳥人生信多慮長寢容
未了虛舟有天游我定物自擾豈不與世竝自是
萬物表達觀無不可言外當意曉

蹉跎匡山游爛熳彭澤酒慨然千載上懷我平生
友夫君負奇節歛氣鬱星斗爲吏非所堪徑去如
避走王官唐以還寂寞蓋已久柴車君來隱清風
動林藪至今溪上詩往往在人口淵明不可作此

士寧復有

雜詩四首

相士如相馬滅沒深天機區區銅馬法徒識牝與
驪人言當塗公惡人知其微如何許劭語受之不
復疑知人固不易人亦未易知媼妍在水鏡鉛粉
徒自欺孰爲仁義人未假已不歸伯樂不可作思
與曹瞞期

世事如大弩人若材官然乘勢易發機非時勞控

全言卷六十一
弦又如大水中置彼萬斛船雖有帆與檣亦須風
動天不見周公瑾弱齡已飛騫不見師尚父鷹揚
在華顛彼非生而材此豈晚乃賢茲基喻智慧要
必有待焉嘆息狂馳子嘗爲愚者憐

崑山有璞玉外質而內美唯其不自衒故與頑石
齒和也速於售再獻甘減趾在玉庸何傷惜君兩
足耳

堂堂明堂柱根節幾歲寒使與蒲柳同扶屐良亦

難我衣敝緼袍我飯苜蓿盤天公方試我劍鋏勿
妄彈
直不采杞
仙苒不擇地榛莽散秋實微霜綠未隕濃露紅欲
滴方書尚服餌僮僕課采拾花葉久已厭功實從
此得苦荼薦奇味凡醞化靈液人傳東坡事世驗
西河術誑口亦自住輕骨况可必維物多似是致
用相萬非向非觀玉篇誰爲分杞棘

宿菊潭

田父立馬前來赴長官期父老且勿往問汝我所
疑民事古所難令才又非宜到官已三月惠利無
毫釐汝鄉之單貧寧爲豪右欺聚訟幾何人健鬪
復是誰官人一耳目百里安能知東州長官清白
直下村稀我雖禁吏出將無夜叩扉教汝子若孫
努力逃寒饑軍租星火急期會切莫違期會不可
違鞭朴傷汝肌傷肌尚云可天闕令人悲

阻雨張主簿草堂

溼暑雲氣鬱漫淫

去聲

成積雨南風竊陰機萬籟囚

掀舉飛濤限江岸懸流迫茅宇塊坐百慮滋歸興

生鳥羽兒童十日約竹馬候門廡曾是百里程川

塗忽遐阻少遊去我久念子平生語款段劣可乘

羸餘果何取河汾做廬在坐滯西南楚世事不可

期客心徒自苦

萬化如大路

萬化如大路物我適相遭往來限隣屋夢寐阻同
袍斷今幾何人年運劇銷膏相歡顧不足爾戈奚
暇操古來太山名達觀等秋毫蠻觸徒能國螺贏
竟誰豪曠蕩覽八紘美惡自爲曹造物無巧擇大
塊有并包暴公今在亡寒燐起蓬蒿孤心旣悄悄
衆口益嗷嗷同塵寧當悔枉已乃爲勞鹿門有高
躅世網儻能逃

李道人崧陽歸隱圖

北山范寬筆老硬無妍姿南山小平遠澹若韋郎
詩崧陽古仙村佳處我所知長林連玉華細路入
清微連延百餘家柴門水之湄桑麻蔽朝日鷄犬
通垣籬媿我出山來京塵滿山衣春風四十日夢
與孤雲飛可笑李山人嗜好世所稀逢人覓詩句
不恤怒與譏道人本無事何苦塵中爲京師不易
居我癡君更癡山中酒應熟幾日是歸期

劉州學東坡移居二首

來武都

兼糞裏白書

廢地三畝餘十年長蒿萊瓦礫雜糞壤白骨深蒼
苔孤客無所投卽此營茅齋墾豈不苦寢處亦
可懷辱身賤者事寧當惜筋骸伐木荒林中運甕
古城隈辛勤八十日吾事乃得諧買宅必萬錢一
錢不天來今晨見此屋一笑心顏開風回下日
東坡謫黃州符藥行江湖荒田拾瓦礫賤役分僮
奴我讀移居篇感激爲悲歔九原如可作從公肥
犁鉏我貧公亦貧賦分無賢愚論人雖甚媿詩亦

豈不如

歷下亭懷古分韻得南字

東秦富佳境北渚擅名談茲游亦已久纔得了二

三南山壓城頭十里全與函洑流出地底城隅滿

泓潭金絲弄晴光玉玦響空嵌清漣通畫舫秀水

深雲龕華峰水中央鬱鬱堆煙嵐荷華望不極綠

淨紛紅酣毒熱非山陽卑濕無江南承平十萬戶

他州隔仙凡劫火土一丘樹老草不芟巧盡露天

質到眼皆奇探千年歷下亭規模見覃覃懷賢成
獨詠勝賞何由叅

舜泉效遠祖道州府君體

重華初側陋嘗耕歷山田至今歷下城有此東西

泉喪亂二十載祠宇為灰煙兩泉廢不治平漸著

瓦礫填蛙跳平聚浮沫羊飲留餘羶我行歷荒基

涕下何漣漣舜不一井庇下者何有焉帝功福萬

世帝澤潤八埏要與天地竝寧待一水傳甘棠思

召伯自是古所然我欲操畚鍤浚水及其原再令
泥濁地一變清泠淵青石壘四周千祀牢且堅石
渠漱清溜日聽薰風絃便爲泉土叟杯飲終殘年
文章出苦心誰以苦心爲正有苦心人舉世幾人
知工文與工詩大似國手碁國手雖漫應一着存
一機不從着着看平何異管中窺文須字字作亦
要字字讀咀嚼有餘味百過良未足功夫到方圓

全言卷六十一
三
言語通眷屬只許曠與夔聞絃知雅曲今人誦文
字十行誇一目闕顛失香臭瞽視紛紅綠毫釐不
相照覲面楚與蜀莫訝荆山前時聞別人哭

文章銅鞮次村道中

山徑一何惡一澗復一嶺昂頭一握天放脚百丈
井武鄉有便道故遶銅鞮境涉險良獨難又復觸
隆景羸驂蹄已穴怨僕氣將癭與世恒背馳用力
何自省河汾紹絕業疑信紛莫整銘石出壙中昧

者宜少警少時曾一讀過眾不再省南北二十年
夢寐猶耿耿喻如萬里別燈火得對影行役豈不
勞聊當忍俄頃

蕭齋

并引

故民部長陵蕭公泰和大安之間名得雅望
朝臣無出其右其爲太原道漕使時不肖方
廁諸生間顧嘗一望眉宇以爲甚幸然亦以
齒少且賤不得與橫經之末而爲恨也北渡

後居陽平見關中人邢公達談公平生往往
色揚而神躍問之知其爲公夫人之猶子也
蓋公達之先人於公恩義良厚而公所以報
之者爲甚力公達初仕部掾年甫三十遂爲
州上佐出入臺閣者二十年雖其材致然亦
籍公爲之司命耳予雅知公達之敬公也凡
欲聞公之故則就訪之公達所居之屋乞名
於予因以蕭齋目之且爲之說云士之生世

有一鄉之士有天下之士有一人之所私慕
有天下之所共稱分限所在不能以強人而
人亦不得而強之也惟公承王公餘烈奕葉
台鼎世譜完具與當陽杜氏相上下故言氏
族者推其貴出入經史優柔厭飫發擿祕奧
不減前輩蔡無可故言討論者服其博奏讞
疑獄致力忠愛一言之仁利及永久故言斷
獄者歸其平彊禦不奪其操公相不易其介

幅巾鄉社坐鎮頽俗故言進退者推其高蓋
天下所共稱非一人之私慕高山仰止其誰
曰不然古人有愛蕭子雲筆札者得蕭之一
字遂以名所居况於其所天乎因爲詩以貽
公達有好賢如緇衣者請爲同賦焉

十年金門客一日蓬蒿人煙煤兩椽屋因公名字
新昔公無恙時四海望經綸敦龐一古儒風采自
名臣人亡典型在百世畱清塵師尊世共然况予

夙所親愛公入夢想逶迤見垂紳教兒多讀書公
言諒諄諄他時門戶改亦惟公所姻我嘗望公顏
道左避朱輪至今誦其詩喜色爲津津歸秦如未
老會買東家隣

然非別李周卿一首

風雅久不作日覺元氣死詩中柱天手功自斷鼇
始古詩十九首建安六七子中間陶與謝下逮韋
柳止詩人玉爲骨往往墮塵滓衣冠語俳優正可

作婢使望君清廟瑟一洗箏笛耳

訓韓德華送歸之作

良朋滿東州歲月見忠悃韓侯晚相值意氣尤懇
懇我嘗相斯人趣向識端本立節栢有心樹德蘭
在畹官榮睨不顧寄興淨雲巘今世走名場旗旆
幾仆偃賤子本無取玉趾渠往返昨聞遂歸養見
謂竹林阮暑塗三百里追送不憚遠觀君木訥姿
百念爲日損願方慙衣綯又被以華袞桑榆倘可

收歲事在穠蓁里門眼中見歸袖勞重挽鷄黍先

有期升堂未言晚

渠猶類然

戊戌十月山陽雨夜二首

朔吹作還止雲意鬱以周十月雷收聲陽和自油

油此雨非舊雨春旱歷夏秋道路土三尺今朝見

浮漚三城信樂土凶年未消憂一蝗食禾盡半菽

不易求流民四方來斷港魚鰕稠忍死待一麥秋

種且未投乾溢誰所司雩壇徧九州醉飽到狐鬼

巫覡自懷羞帝命制江湖野語良悠悠龍公為汝
賀桑榆定可收

霏霏散浮煙靄靄集微空出門望白塔但覺襟袖

潤繁聲忽赴節細點復成陣久渴疑未厭平已作

寧小靳山陽冬候煖麥脚易滋分去土膏入滲漉

破粒容可趁此邦信可樂風土同一晉單車我東

來塵土滿歸鬢裹糧失先具閉糴困餘客今朝人

事改一雨開百順僧窓晚色淨喜極夢為盡枕上

一詩成燈花落紅燼
削蒿竄野卻風息
無雷天

看山

慘慘悲去國鬱鬱賦卜居不采西山薇卽當葬江
魚今日忽有得蕩如脫囚拘青山坐終日忘讀案
上書臯壤與山林使我欣然歎我身天地間託宿
真遽廬無窮閱有限萬期亦須臾坎止及流行何
計疾與徐百年險與夷又似萬里途良馭馳康莊
九折亦摧車必惟易之就遇險當何如化化復生

生體異理不殊鷺非浴而白烏豈黔而烏誰續長
脛鶴誰截短足鳧孔墨不暖席盜跖華堂居公車
困方朔太倉飽休儒杜子露雙肘朝參出無驢軟
裘與快馬照耀輿臺軀天隨隱笠澤杞菊供盤盂
擊鮮日爲具大嚼皆屠沽乖逢自乖逢賦分無賢
愚作計窮一我造物良區區嚮也憂不足乃今樂
有餘

九日讀書山用陶詩露淒暄風息氣清天曠

明爲韻賦四首

今日復何日霜氣倏已淒登高有佳招山中古招
提翩翩劉公子玉田重相攜乾坤動詩興澗壑忘
攀躋霍侯家甚貧劣有酒與鷄城居厭鞀鼓移家
此幽棲世網不易逃所向皆塵泥何以濯我纓林
間有清溪

霜氣一偃薄杳杳秋山空臨高望烟樹黃落雜青
紅造物故豪縱窮秋變春容錦障三百里不盡臺

山東燦燦黃金華羅生蒿艾叢野人不知貴幽香
散秋風秋物自橫陳顧揖苦不供誰能搖醉筆吐
句凌清雄

賞心古難并莫景日易費故人成此游樽酒重相
慰新詩互酬唱清談見滋味鱣鯢方偃蹇鼃黽共
騰沸懸險劇褒斜清渾雜涇渭爭教十圍腹滿貯
憂與畏情親到真率寧復轉喉諱鄭重伯雅生藉

汝聊吐氣

紫微老仙伯少日見承平甲子五百餘雙瞳益清
明披莊不盈尺翛然澹無營庭柯挂秋蔬老樹風
泠泠我有年德尊公深鄉曲情思得菊潭酒爲公
制頽齡作詩語同游明年復尋盟看翁九節杖翩
翩上崢嶸

畱月軒

丈室何所有琴一書數冊花竹結四隣繁陰散芳
澤閒門無車馬明月卽佳客三人成邂逅又復得

全金詩卷六十一
三
驩伯驩伯屬我歌蟾兔爲動色商聲隱金石桂樹
風索索乾坤月與我光滅卽生魄元精貫當中寧
有天壤隔卯君尚奚待言論累數百多談令人厭
坐睡驚墮幘一笑鷄未鳴虛窗自生白

趙吉甫西園

園名種德

王城比民居近市無閒田閒田八九畝乃在城西
偏久矣瓦礫場莽爲狐兔阡高人一畱顧老木生
雲烟築屋臨清流開窗見西山人境偶相值遂無

城市喧趙侯嗜讀書兀坐守遺編性情入吟咏古
澹無妖妍酸鹹與世殊至味久乃全我作別墅詩
請爲子孫傳耕耘有定業歉豐屬之天寧作鹵莽
兒袖手待逢年汲古先有齋種德今有園期君在
晚歲無庸計目前

臨汾李氏任運堂二首

并序

彦仁從軍久厭於事物之累念欲脫去之而
不可得也故嘗鬱鬱不自聊求予發藥之予

名其居曰任運堂且爲賦詩

官職有何好凜凜蹈危機車塵及馬足捧手仍低
眉棄去何足道無從脫縶維不如聽其然歲晚倘
可期此心未馴初養虎時飽饑一爲金石止坐閱
萬物馳汨泥揚其波哺糟歎其醜漁父我所學靈
均竟奚爲上堂壽慈親兄弟如墳箎菽水致足樂
况有甘與肥人生天地間長路有險夷遇險卽欲
避安得皆通達君家北山翁百世畱清規樂天而

知命行矣君何疑

北山翁彥仁之伯祖泰和間以高道提點天長胥莘公贈詩有

百世清規之

語故及之

履危恨無機避禍欣有策後慮徒自密前路寧汝

測七戰歿牖下坐談得刺客周身容孔智伐木不

宋厄九折怯乘險瘴海悲遠謫就令家長安獨不

死牀簣人生多憂畏年壽幾至百惴惴首尾間天

宇坐成窄重泉青雲梯平地黃土陌乖逢有定在

拙計徒巧擇行樂當及時莫待頭雪白

黃土陌見初學記奴

僕

門信於此... 徒士解良

寄坐曲阜紀行十首

荒城臥魯甸寒日澹平蕪
千年素王宮突兀此城隅
我昔入小學首讀仲尼居
百讀百不曉但有唾成珠
少長授魯論稍與義理俱
攝齊念升堂壤壁想藏書
翩翩七十子佩服見舒徐
慨然望闕里日思膏吾車
五原東北晉因循追桑榆
今日復何日南冠預庭趨
隱隱金石聲恍如夢清都
偉哉神明

觀欣幸當何如

風武聖如容蓋端爲中一息此樂日

殿屋劫火餘瓦礫埋荒基入門拜壇下儼然想光
儀憶當講授初佩服何逶迤登降幾何人鸞鳳相
追隨千年仰階級天險不可躋文杏誰此栽世世
傳清規植根得所託在木將何知

堂堂魯三檜培植出天巧規模欲十抱奇秀供百
繞誰言甲戌亂煨燼入炎燎青烟干雲上羣鶴空
自矯哀哀嶧陽人腸肺痛如攪魯郊木何限名取

全金言卷六十一
三
唯一少神明信扶持厄運豈易曉零臺滿荒榛
達宮餘曲沼紛紛閱成壞何異晏與早道存有汙隆
物齊無壽夭霜皮眼中見鬱鬱自塵表君看泰山
石萬古青未了

陋巷陋復陋老屋在人境門前軒蓋多閉戶自幽
屏近郊無百畝負郭纔半頃饘粥聊自供取足唯
一井此井閱千歲清節傳箕穎向想瓢飲初至味
久益承德鄰與周旋聖域容造請貧中有此樂日

莫獨何炳泓然窺古贛一勺試甘冷上池果能神
轉盼得深省塵埃竟何有素髮忽垂領共學誰我
容從之抱修綆

泮宮何所有舞雩但荒臺泮水涸已久北風捲黃
埃顧瞻魯公宮感極令人哀獻誠亦盛事規摹到
平淮作計萬萬古而今安在哉獨愛鼓瑟翁不與
三子偕宗周方訖籙聖師猶卷懷但欲春服成風
乎詠歸來我亦淡蕩人涉世寡所諧浴沂行有日

一笑心顏開

大姦何所如猘猢雄且猛雖然弭耳伏擇肉會一
騁卯也不敗露名與聖師竝天刑竟莫逃不待七
日頃曹瞞盜漢墜僅得保要領與卯均小人脫網
乃差幸小偷學不至適足污鍤鼎不從市朝肆必
就遠方屏兩觀餘坡陀萬世示頑獷神兵凜可怖
過者宜少儆

不見講堂處指似存世譜遺基洙泗間荒惡餘十

畝聖師旣已老自衛歸在魯正樂修六經卒業此
其所當時季路室完整逮建武太僕忠且壯持用
方禦侮如何盛唐日一廢不重舉中和天地位寧
復俟庭廡所嗟世道衰師授日莽鹵空餘千歲井
黜黑照終古

白塔表佛屋萬瓦青粼粼何年勝果寺西與姬公
鄰塔廟恣汝爲豈合魯城闈魯人惑異教吾道宜
湮淪許行學神農耒耜手自親當時子孟子直以

爲匪民况彼桑門家糞壤待其身一朝斷生化萬
國隨荆榛孟氏非所期安得揚與荀丹青贊神化
舊染爲一新空令鐘魚地再睹籩豆陳吾謀未及
用勿謂秦無人

天地有至文六籍留聖謨聖師極善誘小智祇自
愚文章何物技不直咳唾餘操戈競虛名望塵拜
高車所得不毫髮咎責滿八區公論懸日月星豈直
小人儒喻彼失相者俚不知所如指南一授轡聖

門有修途陽光照薄莫尚堪補東隅悠哉發深省

灑埽今其初

林墓連魯城方廣十里間林間百草具棘刺死不

蕃楷槐作橫理青青閱千年懷人成一慨何止名

公賢博陵石翁媪名字無留鐫兩獸墓前物歲久

乃訛傳昨我游魯門規作孔林篇聖人與天大聖

道難爲言所見不一記來者何述焉詩成私自媿

小子良斐然

岳祠齋宮夜宿

煌煌德寧宮望秩年祀永唐來幾焚蕩規制仍峻
整龍旂嚴黼座金闕散光炯嶽拜行且周偉觀竊
欣幸青紅留壞壁兵衛自馳騁木杪見龜趺雄筆
映鍾鼎中和昔喪亂已溺寧再拯有來鴈門公赤
手探虎鯁經營入慘淡灑落出鋒穎凶豎竟自摧
神鑒益彪炳青山閱入代今古一炊頃摩挲盤根
槐甲子誰記省竭來石門道煙岫接雲嶺霄漢瞻

上階濃碧插秋影青林雨聲集懸瀑激奔猛
心魄動冰雪淒以耿飄飄想仙袂飛下玉蓮井
夢知是非復此造真境妙香淨餘習灑氣發新警
鶴書來何遲素髮迫垂領玄壇展衰步似欲逐幽
屏高柯月紛紛徘徊惜清景

示程孫四首

并州望南宮東南千里餘六年念兒女鬱鬱心不
舒程孫問安否一月兩寄書老我倦出門况是涉

畏途鞍馬二十日面色爲焦枯白兄應見笑此行
亦區區

吾女在吾家先已安卑弱雖然適貴門一味甘儉
薄財廉出仁讓語省見端慤婦道化一州母女皆
願學州人聞我至相與喜且愕謂我六十翁齒髮
未衰落擊鮮日爲具和氣動城郭爲說壻女賢宅
相知有託乃公私有賀一月醉杯杓生女四十年
今有爲父樂

直孫年志學玉立無纖瑕簡孫甫勝衣芳蘭茁其
芽燦燦彩翠翔鷓雛映朝霞諸孫獻公壽喜極復
長嗟吾母河南君閨門靜無譁殷勤教女孫乃今
成汝家老我何足道外舍儘得誇
會聚樂不貲言別悽以惻風雲動老懷車馬見行
色明年吾六十家事斷關白唯當近酒醞亦復拋
書冊提携兩童子欵段或下澤玉雪念吾孫未覺
千里隔乘興徑一來髯壻當速客

全金言卷六十一
三
九月初霖雨中感寒痺作

留飲工作崇臂股半風淫風淫喜陽景旬浹坐秋
霖兒寒益跳梁衰莫苦難任病枕怯遙夜破窓風
露深兩年魏大名千門響霜礎客行足繒纈家居
但疎衾絢絲不易得候蟲徒自吟無衣思南州復
哉非獨今

贈駑奉
鄰墻擁高樹深樾蔭衡宇山禽千百種晨夕所棲

處獨愛黃栗留。姪姀如稚女，笑啼啼。又笑宛轉工
媚嫵，低窺疑欲下。轉盼忽驚舉，花暗柳陰陰。尚記
兒時語，詩家此尤物。名字喧樂府，天真累絲竹。客
服仍楚楚，宮額畫眉潤。黛黑抹金縷，恨不掌上看
毛羽。得細數山城，無與樂好鳥。亦求侶，時持貫珠
來。有唱當和汝。

讀書山月夕二首
層崖多古木，細路深莓苔。柴門開曉日，雲際青山

來靜中有真趣孤賞何悠哉

久旱雨亦好旣雨晴亦佳胡牀對明月樹影含清

華墻東有洿池欵枕聽鳴蛙

繼愚軒和党承旨雪詩二首

南來何所如孤根轉風蓬以彼萬里途寄此一畝

宮明窓一繩牀稍覺紛華空唯餘作詩癖尚與當

年同人言詩窮人無詩吾自窮此世等夢耳誰窮

復誰通茹噎當快吐聊此寬吾胸

老麻卧雲壑澗松上崢嶸斯文要棟梁頽圯可力
撐匠石殊未來破屋燈青熒乾坤有二鳥一息當
一鳴區區用舍間而亦隨重輕百挽迹莫前一怒
怨已盈臨風三太息此意何時平

郎文炳心遠齋二首

茅齋迫官居塵土日蓬勃道人掩關坐挂眼無外
物明窓一蒲團濯足晨理髮一片萬古心清潭兩
明月

止性如止水惜身如惜玉婦姑得相安久矣脫羈
束兒童挾書至燈花催夜讀自是周太常生平耐
幽獨後晉書謝靈運曰靈運遊人對關坐卧無倦

蕭寺僧歸橫軸

山空秋草寒露暗光已夕悠悠松門月靜照禪客

入遙知夜堂深疎鐘動幽寂

禪園祁陽劉器之以墨竹得名今年春薄游鹿泉

因爲予寫真重以小景見餉凡以求予詩而

東坡先生賦二十韻答之

去國二十年跬步卽異境中間歷齊晉陡下如墮
井轍涸困波神祠廢臥土梗垂翅附危柯饑腹得
畫餅皁櫪竝牛驥泥淖閱蛙黽紛紛疲應接碌碌
陪造請尚賴麴生賢真味留雋永蹉跎鍾鼎意盡
副銅尾秉劉生工寫照游戲出俄頃高懸大圓鏡
萬我神形影青衿昨日爾素髮忽垂領詩餘飯山
瘦智縮武庫瘦霄漢邈南宮寂寂媿鄧耿包虎錦

全金言卷六十一
三
袞爛薛鶴霜毛整鼠目與麋頭何堪汚毛穎厚貺
久未報重以大年景藜篠點棲禽樹石帶烟暝知
君深意在勸我事幽屏衡茅方卜築亦復謀二頃
封龍有佳招因之發深省

書簡答王輔之

我宅西山隅君居穎之濱昨朝與君語

或作晤

憶我

山中春君家縣豪傑交結通周秦四海盧御史肯
來作師賓風流被諸郎文質猶彬彬乃知父兄意

潤屋亦潤身喪亂幾何時孤身走跋跋貂裘風霜
老獨有佳句新被褐懷珠玉知君未全貧我詩初
不工研磨出艱辛雖欲尸祝之芻狗難重陳顧方
媿盈川况敢同照隣汾流清復清堪君濯纓塵居
人與行客早晚期相親

東卿寄題沁州韓君錫耕讀軒
束帶見督郵甘以辭華軒嘯傲南窓下且樂我所
然斜川今在亡問津有遺編行尋柴桑里遂得桃

金言卷六十一
三
花源桃源無漢魏况復義熙前讀書與躬耕兀兀
送殘年淵明不可作尚友乃爲賢田家豈不苦歲
功聊可觀讀書有何味有味不可言遙知一罇酒

琴在已亡絃

虞坂行

西千夏五月將南渡河
道出虞坂有感而作

虞坂盤盤上青石石上車蹤深一尺當時騏驎知
奈何千古英雄淚橫臆龍蟠於泥易所歎麟非其
時聖爲泣玄龜竟墮余且網老鳳常饑竹花實天

生神物似有意驗以乖逢知未必若論美好是不
祥正使不逢何足惜孫陽騏驥不竝世百萬億中
時有一乃知此物非不逢轅下一鳴人已識我行
坂路多閱馬敢謂群空如冀北孫陽已矣誰汝知
努力鹽車莫稱屈

畫馬爲邢將軍賦

大宛城下戰骨滿駑駘入漢龍種藏將軍此紙何
處得便覺房駟無光芒人中馬中兩勅敵天門鴈

門皆戰場并州父老應相望早晚旌旗上太行

送郝講師任崇福宮

郝平
晉人

大方之家幾知津郝君七十老斲輪書文五車喙
三尺劇談混沌今猶神太玄博士爲絕倒君言誇
矣天公嗔長安冠蓋羅青雲洛陽車馬爭紅塵怪
君掉頭不肯住寂寞來作由東隣崧高維岳古所
秩三十六帝有外臣玄都石壇待飈馭宮殿突兀
松輪囷上界仙人鄧雲山洞天治所名司真蓬萊

方丈去不遠明星玉女時相親瑤華可擷蘭可紉
烟霞永隔塵中人黃鶴一去不復返白鷗萬里誰
能馴爲我殷勤謝鄧公玉華歲晚當平分

赤壁圖

馬蹄一蹴荆門空鼓聲怒與江流東曹瞞老去不
解事誤認孫郎作阿琮孫郎矯矯人中龍顧盼叱
咤生雲風疾雷破山出大火旗幟北捲天爲紅至
今圖畫見赤壁髣髴燒虜留餘蹤令人長憶眉山

公載酒夜俯馮夷宮事殊興極憂思集天澹雲閒
今古同得意江山在眼中凡今誰是出群雄可憐
當日周公瑾顛顛黃州一禿翁
愚軒爲趙宜之賦
心生心化誰搏控舉世倏倏皆大夢百年只辦作
朝三爭識群狙先汝弄人人具此清淨眼妄翳無
根嗟自種天機嗜欲涇渭雜道念紛華鄒魯闕令
人却羨愚軒愚一蹴藩籬開廓空愚軒虛室久生

白掌上精真元自洞氣筵神火具長物豈有古方
傳魯宋人言此眼本無負死恨冥行人所共智愚
何預阿堵中或者桔槔賢抱甕病瘖能指跛能履
眉睫雖存寧復動我云俗士蔽一曲全笑不全從
古衆渠儂六鑿日相攘內不錙銖徒外重守宮緣
壁夸覆射懸蝨如輪規命中天和一洩不知止膏
火自焚良可痛從教目比方相多纔與瞽師論伯
仲先生真是有道者老境一愚聊自送五官止廢

而神行就令有眼將無用寄謝諸方五味禪葛藤
莫作金鑷頌

西窗

西窗鳥聲千種好樹陰離離動微風青山滿前掩
書坐欲話懷抱無人同花枝不笑綠鬢改罇酒自
與黃金空少年樂事總消歇落日澹澹天無窮

聞欽叔在華下

翰林僊人詩酒豪平生嵇阮參遊遨山中草棘滿

霜雪可惜渠家宮錦袍聞君忍饑讀離騷思之不
見心爲勞舉頭西望忽大笑太華落落長庚高

女兒山避兵送李長源歸關中

山骨稜稜雪花白北風不貸單衣客與君此別欲
何言若箇男兒不湮阨相濡相啣尚可活轆釜何
曾厭求索從知鮫鱷無隱鱗芥視三山需一擘自
古饑腸出奇策漢廷諸公必動色見君軒蓋長安

陌

雪後招隣舍王贊子襄飲

去年春旱百日強小麥半熟雨作霜青山無情不
畱客單衣北風官路長遺山山人伎倆拙食貧口
衆畱他鄉五車載書不堪煮兩都覓官自取忙無
端學術與時背如瞽失相徒俛俛今年得田昆水
陽積年勞苦似欲償隣牆有竹山更好下田宜秫
稻亦良已開長溝掩烏芋稍學老圃分紅薑宋公
能詩雅好客勸我移家來水傍一閒入手豈易得

夢中我馬猶玄黃君不見并州少年作軒昂鷄鳴
起舞望八荒夜如何其夜未央賣刀買犢未厭早
腰金騎鶴非所望河南冬來已三白土膏墳起如
蜂房崧山東頭玉旆出父老知是豐年祥南溪酒
熟梅花香高聲爲喚墻東王便當過我取一醉聽

歌長安金鳳凰

鄰舍宋可字予之隱君子也并州少年謂李汾長源長安金鳳凰者

齊梁間田舍兒所歌

半山亭招仲梁飲

孤城鬱鬱山四周外人乍到如纍囚半山亭前浙
江水只可與君消百憂江山百年有此客雲樹六
月生涼秋世上紅塵爭白日一丘一壑去來休

巨然松吟萬壑圖

胸中刺鯁無九澤畫裏風烟纔一漚阿師定有維
摩手斷取江山着筆頭石林蒼蒼崖寺古銀河浩
浩松聲秋方外賞音誰具眼莫將輕比李營丘

太白獨酌圖

宣和所藏
李伯時筆

謫仙去世三百年海中鯨魚渺翩翩豈知龍眠天
馬筆忽有玉樹秋風前金鑾歸來身散仙世事悠
悠白髮邊會稽父老何處在千里名山入酒船清
景已隨詩句盡風流合向畫圖傳往時長安酒家
眠焦遂不狂張不顛想得三更風露下醉和江月
弄江州

松上幽人圖

宋宗婦曹夫人仲婉
所畫有曹道冲題詩

秋風謾謾松樹枝仙人骨輕雲一絲不飲不食玉

雪姿竹宮月夕頻望祠竟不下視齋房芝人間女
手乃得之眼中擾擾昨莫兒畫圖獨在羲黃時予
懷渺兮幽林思

戲題新居二十韻

去冬作舍誰資助縣侯雅以平原故賢郎檢視日
復日規制從頭盡牢固南風一夕怪事發突兀赭
垣殘半柱乞漿得酒過初望曲突徙薪忘後慮長
淮千里燕巢林明月一枝烏遶樹東家老屋西北

疋衆木枝撐留少住由來馬隊非講肄况與燕牢
通過路聚廬托處何暇擇重爲主人推獎悞夏秋
之交十日陰抱被倚門愁旦莫問君新居在何許
只去火餘纔數步學宮分地與間冷使館有牆遮
雜汗就中此宅尤費手官給丁材半傭僱十寒一
暴半載強纔得安牀置鑄釜紛紛暗被兒女笑老
虎般彪今幾度胸中廣廈千萬間天地一身無着
處北來衣冠日枯槁十九桃符傍門戶乾坤血肉

得此身剩有把茅能勿懼上方下比良易見好惡
且當隨所遇仰看片瓦聊自賀疾過巖墻寧反顧
合歡明日招諸隣狼籍盃盤從飽吐

蘇詩贈蕭鍊師公弼

吾家阿京愛公弼吾家澤兄敬公弼半生夢與公
弼游豈意相逢在今日春風和氣見眉宇玉壺冰
鑑藏胸臆人間萬事君自知未必君材人盡識蘇
門水木無纖埃聞君家近公和臺仙家近日多官

府黃帽青鞋歸去來

時汰佛老家甚急故云

送弋唐佐董彥寬南歸

且為潞府諸公一笑

河汾續經名自重附會人嫌迫周孔史臣補傳久
已出浮議至今猶洶洶薛收文志誰所傳貴甚竹
書開汲冢沁州破後石故在為礎為砭吾亦恐暑
涂十日來一觀面色為鰲足為腫淡公淡癖何所
笑但笑弋卿堅又勇自言浪走固無益遠勝閉門
親細兀摩挲石刻喜不勝忘却崎嶇在岡隴潞人

本淡新有社淡事重重非一種有人六月訪琴材
不爲留難仍從臾懸知蠟本入渠手四座色揚神
爲竦他時記籍社中人流外更須增一董

蕭仲植長史齋

修武作

張顛飲豪傾四座脫帽狂呼誰敢和南宗北宗知
幾人醉眼紛紛飛鳥過是公技進不名技元氣淋
漓隨咳唾偶然捉筆本無意自有龍騰并虎卧當

詩誰有戰國策

長史帖云借戰國策可副之凡七字

門外雷車忽驚

墮天星無數不知名色正芒寒纔七箇蕭邱家世
陵谷後爭信空囊蓄奇貨蕭齋故事今復舉未怕
秋風吹屋破護持有物世共喜不獨一時爲子賀
藏舟夜壑未厭深隄備有人來倚拖

送宋省參并寄潞府諸人

茅齋團團蝸殼大苦被傍人嘲塞破官家眼孔十
萬緡未與書生供一唾長衫只辦包瘦骨故紙何
緣變奇貨不因三致大耳兒老雪屯門甘凍卧國

中腐鼠凡幾嚇玉上青蠅非一箇荆人美璞別足
招君足幸存乃可賀雲間太行青在眼上客歸來
傾四座因君寄問社中人前日淡公行復過

覓神霄道士古銅爵

雷章著土紛朱碧秋菌春蒲人不識若非儀狄墓
中來應自杜康祠下得古人我得酒之傳摸索飲
器流饒涎巧偷豪奪吾何敢他日酬君九府錢

賦澤人郭唐臣所藏山谷洮石研

研有銘云
王將軍爲

國開臨洮有司歲餽可會者六百鉅萬其
於國中得用者此研材也研作壁水樣

舊聞鸚鵡曾化石不數鷓鴣能瑩刀縣官歲費六
百萬纔得此研來臨洮玄雲膏寸天下徧壁水直
上文星高辭翰今誰江夏筆三錢無用試鷄毛

天井關

石磴盤盤積如鐵牛領成劄馬蹄穴老天與世不
相關玄聖栖栖此迴轍二十年前走大梁當時塵
土困名塲山頭千尺枯松樹又見單車下太行自

笑道塗頭白了依然直北有羊腸

題商孟卿家明皇合曲圖

海棠一株春一國
燕燕鶯鶯作寒食
千古萬古開元日
三郎搦營仰面吹天公
大笑嗔不得寧王天
人玉不如番綽樂句
不可無宮腰不按羽衣譜
疾舞底用牧豬奴
風聲水聲闕清都
夢中令人羨華胥
何時却竝宮墻聽
恨不將身作李暮

贈答張教授仲文

秋燈搖搖風拂席夜聞歎聲無處覓疑符金荃怨
幽蘭畹辭元是寒蠶月中泣世閒刺繡多絕巧石
竹殷紅土花碧窮愁人骨死不銷誰與渠儂洗寒
乞東坡胸次丹青國天孫縹絲天女織倒鳳顛鸞
金粟尺裁斷瓊綃三萬疋辛郎偷發金錦箱飛浸
海東星斗溼醉中握手一長嗟樂府數來今幾家
剗借春風染華髮筆頭留看五雲花

七言長詩於
中獨一句九

言韋郎有此例
長吉亦有此例

馬嶺

仙人臺高鶴飛度錦繡堂傾去無路人言馬嶺差
可行比似黃榆猶坦步石門木落風颼颼僕夫衣
單往南州星落東南三百里鬢毛衰颯兩年秋
子去

歲往河南遷奉

亦取黃榆嶺路

灑水

聞鄭城張伯玉訃音作

灑水復灑水東望雁行沒殷勤一杯酒遙酌灑亭
月裴回功名會脫落豪俠窟中州有士論指與雷

李屈挂弓須扶桑洗劍必溟渤皇天靳美器一世
惜英物神交付冥漠生氣凜毛髮古來天下馬萬
里入超忽良樂不並世燕市空駭骨狂歌叫秋雲
北風撼井榭

哭延孫

兒生去年冬閭里日相慶今年迺周晬疹痘俱已
竟爛斑綴錦衫未與玉雪稱宅相望此孫惜愛均
氣命一宵誰奪去遽有亡辜橫情鍾未難忘力挽

將安勝憶昔點粧初季女抱臨鏡灼灼芙蓉花澹
與清波映霜風入芳渚瘦綠餘荷柄嬌紅耿在眼
百喚不一應寂寞空鏡前老眼淚如迸

出無餘林火

里人發參風樂不此並燕市空銀骨玉潤柳烟
散英似噴交林冥對主康樂手燙古來天雨黑
李無詩每處林桑將險波蕙幽皇天溥美器代世

鄒訂全金詩增補中州集卷六十八

金元好問原本

元好問六

劉遠筆

老隄力能舉玉杵文陣挽強猶百鈞惜哉變化太
狡獪嚮也褐衣今虎文宣城諸葛寂無聞前後兩

劉新策勲謝郎風神恨太雋雖然豈不超人群三
錢鷄毛吐皇墳尖奴定能張吾軍何時酌我百壺

酒為汝醉草垂天雲

狡獪變化事
見麻姑傳

贈周良老

於公斷獄多平反高門大車在乃孫我居聊城欲
二載喜見周叟醉而温十年大理書上考宜有陽
報如于門大兒書來問安否兵饑不死天所存鄭
孫毛骨殊秀發寶氣鬱鬱含朝暉機聲嘔啞聒朝

昏種瓠五石當酒樽是翁福祿知未艾昆弟和樂
連株根白髮阿兄應念我南雲寂寞賦招魂

入鴈鴻溝全欽叔賦

劉郎着手乾坤了未害與渠分九州夸兒衣繡自
楚楚作計豈復西鴻溝雖雄自決已無策尺寸必
爭唯上流韓生已死言猶在千載令人笑沐猴

雪中自洛陽還嵩山

道人薄有塵外緣迫入塵埃私自憐三十六峰一

茅屋夢裏西家掠社錢
津津喜色見眉宇
峩峩青城當眼前
蹇驢逕入風烟去
恰是梅花欲雪天

祖唐臣愚菴

小智胠篋盜所羞
大智移國鬼與讐
浮生匹絹兩盂粥
心計擾擾知何求
青州荊州兔三窟
古人今人貉一丘
喚起羅池柳夫子
與君同醉訾家洲

過井陘

北山亭亭如驛埃
南山耽耽虎翹首
土門東頭望

非經漢家風雲自奔走市人豈識英雄材金鼓一
朝天上來此山行人萬萬古幾不磨滅隨蒿萊白
鹿祠前一杯冰蒼顏聊爲洗塵埃

北嶽

太茂維嶽古帝孫太樸未散真巧存乾坤自有靈
境在地位豈合他山尊中原旌旗白日暗上階樓
觀蒼煙屯誰能借我兩黃鵠長袖一拂玄都門

智仲可月下彈琴圖

莫春舞雩鼓瑟希琴語解吐胸中奇誰言手揮七
絃易大笑虎頭真絕癡北風蕭蕭路何永流波湯
湯君自知三尺絲桐儘堪老兒童休訝鶴書遲

常山妖生四十月能搦管作字筆意開廓有
成人之量喜爲賦詩使洛誦之

大兒小兒舞商羊東家西家捉迷藏牙牙作群鴈
鴈行是中乃有常山郎常山嬌嬌可憐蟲四歲未
有三歲強黑鷹破殼自神駿黃犢放脚須跳梁只

見紙卽塗抹誰謂轉腕能低昂渠家兩公破天

荒劉輝夢靈果專塲榮鄉亭中詩版在岐山名字

香山香此郎晚出西樞房虎穴虎子不可當天驚

地怪見落筆便合抱送中書堂文星煌煌照燕南

青青子衿滿恒陽教官連被鳳尾諾瑞物多生金

粟岡兒曹變化不作難何必二十始乖張明年作

字一丈大當有稜角垂光芒回頭却看元叔綱鼻

涕過口尺許長

常山白寓齋第三子叔綱遺山之季子也

贈利州侯神童

生十四月識字予見時
生二十一月識字無算

牙牙點妝杏蕾紅阿兄抱之來學宮
 今春學語語未正已能見書識名姓
 隨指隨讀無數重多生想曾文字
 中極知之無不足訝更恐洛誦難為
 功土中松粒龍爪腕萬牛丘山起毫
 末君不見黃金寶鼎翡翠青未要春
 官許衣鉢人閒失却麻神童明星焯
 煌出蒼龍只知江陵圖籍盡一火誰
 謂死草生華風遺山老子未老在見
 汝吐焰如長虹

兒心
金鼎

奚官牧馬圖息軒畫

曹韓畫樣出中秘
燕市死骨空千金
息軒筆底真龍出
凡馬一空無古今
安閒自與人意熟
瀟灑更覺天機深
奚官有知應解笑
世無坡仙誰賞音

紫微劉丈山水爲濟川賦

畫家李范真勍敵
方外只今誰第一
自非劉宗祭酒阜
昌孫未信仙翁輕
落筆長洲遠浦各
清泠萬頃風烟一
草亭千章古木散
巖谷鶴髮松姿餘
典

刑紙尾不須題姓字人人知是老人星

西阜 跋酒門限邵和卿醉歸圖

邵伯祿
之父

邵公頭白甫三十高吟大醉無虛日風流若似靖
南湖每恨聞名不相識太平村落自由身童稚扶
攜意更真醉歸圖上見顏色喜溢眉宇猶津津好
着蹇驢馱我去與君同醉杏園春

題張彥寶陵川西溪圖

松林蕭蕭映靈宇爍石流金不知暑太平部人壯

孝李自詔前涼造仙府不到西溪四十年溪光

影想依然當時滕上王文度五字詩成衆口傳忽

見畫圖疑是夢而今塵土浣華顛

本送字今改作浣字陵川在太

行之巔蓋天壤間清涼境界也江淮太平散人題
詩東廟自謂已造仙府恨居民不知其樂耳此縣
先君子舊治宴游西溪僕以童子侍焉彥實出此
圖求賦詩感今懷昔爲之愴然故篇中有及癸丑

十一月
三日題

汝州倅韓君德華其十二世祖相遼封魯公

故名其伯男子曰魯王父命氏古蓋有之予

過其家命魯出拜謂予言魯名矣而未
有字敢以爲請予字之世公德華曰願
終教之乃申之以辭

昌黎諸韓散盧龍魯公相遼開邑封
鴈行後先六侍中大參高文紀神功
龜石穹窿與天終百年故家餘素風
汝州有子今成童考古制名龜筮從
貴以道義飭汝躬良璞不治凡石同
貞而絕俗孰子容濟質以文介而通
顧雖宗起其起宗魯也不慚

袁氏公

壬子冬至新軒張兄聖與求爲兒子阿平制
名予名之曰琥以仲耽字之小字明復有善
禱之義焉詩不工當令阿耽灑落誦之

阿平玉雪絕可憐皎如鶴雛下青田呼來拜客挽
不前啼聲如聞過秦篇陳王人門漢韋賢新軒文
筆尤翩翩大弔挂壁誰使然我知一經會有傳立
默之冬客須城問平之年纔五齡迺公爲兒求制

名兒名從虎玉與并仲耽爲字以字行佛書舊說
無空青豈知空青今有形紫公紫公還我明看見
着脚青雲平

送崔夢臣北上

并序

子貢抱關買臣負薪朝奏莫召名動縉紳此
有志之士所以自奮於昌辰者耶夢臣崔卿

玉樹清姿土門華胄成童授學與鷄俱興肆

筆成書倚馬可待雖泌水之洋洋堪樂舜門

之穆穆方開惜歲月之虛捐欲雲霄之坐致
遇順風而縱大壑其孰禦之登金馬而上玉
堂在此行矣詩以勸駕序寧闕乎癸丑二月
望日新興元某序

并州書郎年少客細馬金鞭日三百生平意氣凌
青雲未怕天山雪花白西園此日盛徐陳鳳閣鸞
臺氣象新繇來草創資潤色况復天造須經綸他
日南歸吾未老與君同醉晉溪春

送王彥華

中朝名勝龍山冀喜色門闌得佳壻一朝天府效
驅馳萬里青雲在平地金粟岡頭俊造多莫從人
品問如何迂齋受學青衿日殷重遺山爲撫摩東
國人倫吾豈敢只憑月旦決巍科

李成之王彥華趙孝先以提學命見餉佳酒
且求制名輒以書記

子雲寂寞將誰親延之麓豪意自真君家公壻兩

冰玉酒味自合清而醇雲腴俗士無風神紅珠女
兒茜裙新一杯香絕韻亦絕只今唯有醑醺春來

劉時舉節制雲南

雲南山高去天尺漢家弦聲雷破壁九州之外更
九州海色澄清映南極幽并豪俠喜功名咄嗟顧
盼風雲生今年肘後印如斗過眼已覺烏蠻平論
蜀相如今老矣不妨銅柱有新名

贈張潤之

許年不唱龍津第人物尤難到衰世明堂他日叟

榭楠造物也須論蚤計晉人稟賦例真淳兒能讀

書知養親遺山門客富儒雅綠髮張郎名姓新莫

道琴工有師法海山深絕解移人潤之資甚美故

勉之他日學業有成老
大當以風鑒自負矣

許道寧寒溪古木圖

為習器
之

道人醉袖蟠蛟龍掃出古木牙須雄閒卷颯颯來

陰風翟卿論畫凡馬空能知畫與詩同宗解衣盤

礪非衆工遺山筆頭有關全意匠已在風雲中畱
待他日不怱怱

送張書記子益從嚴相北上

蘇詩

子益省郎觀國之光從公於邁揚雄詞賦良
借力於吹噓鄧禹功名本無心於祿仕詩以
送別亦以趣其歸云

故家人物饒奇俊聳壑昂霄今已信康侯晝接拜
寵光百里自應沾海潤六月貂裘風雪深天河大

駟日駸駸莫把聲華動臺閣東方書檄要陳琳

汾亭古意圖

堯氏羲黃去未遠日作日息天機全杜侯袖裏姑

汾筆辨與南華談窅然廢典知經幾今昔淳朴別

有一山川白雲亭上秋風客不比仙翁甲子年

元祐

以來郭熙明呂泰和間張公佐皆年過八十而以
山水擅名今雲中杜丈莘老與張郭年相若而畫
品不下古人為侯廣道作汾亭古意橫披灑然有
塵外意為題四韻其後神仙張果生帝堯甲子年
詩家亦傳習用
之故本句有及

換得雲臺帖喜而賦詩

周官武臣奉朝請劍佩束縛非天真世間曾有華
陀帖神物已化延平津米狂雄筆照萬古北宗草
書纔九人今日雲臺見遺墨黃金牢鎖玉麒麟

過劉子中新居

鄆州城隅兩茅屋市聲喧喧自幽獨春風吹盡山
杏花只有青青一叢竹先生愛畫如惜玉練鵲翔
鸞餘百軸大兒踉蹌挾書歸土銍疎煙纔一粥微

官枉負半生閒也着區區簿領閒何時却與溪南

老紫蓋山前共往還

子中舊與溪南詩老
辛敬之游故有下句

東湖次及之韻

西山山頭山月白倒影連漪舞寒碧竹溪花鳥要

君詩醉墨幾番枯研滴東湖佳處詩已盡矯首不

知川路隔當年韓賈文章伯物色分畱到佳客此

州何必減蘇州頻有詩人來列職一時人境偶相

值萬古風流餘此席三堂風月今猶昔擬拂塵纓

問投跡因君寄詩使君公却恐他年厭求索

贈郝萬戶

阿卿袖中五色筆
弦聲裂石雷
破壁繡衣千騎東
方來俊氣崢嶸
蜀山碧詩書義府無
古今祭遵軍
中亦歌吟密侯勲業君
自識計算不數韓淮陰
莫看人柔待儒雅
朱輪畫轂見天心

鄧禹封
高密侯

贈史子桓尋親之行

七十老親頭雪白
滿意晨昏慰顏色
兵塵瀕洞君

全金詩卷六十八
三
不憂萬里天心不相隔八月秋霖九月霜破帽北
風官路長瓜田故侯貧且病愛莫助之徒自傷後
日書來聞吉語通家猶得似南陽

送希顏赴名西臺兼簡李汾長源

昨日遊崧邱今日西臺行勞生好夢亦太少枕中
馬嘶車鐸鳴山林之樂無虧成胡爲解蘭縛塵纓
蒼生望君須一起我知無地逃功名關中得君作
金城氣象已覺西山平諸人誰出仲卿右一座想

爲相如傾風華浩蕩吞冥冥馬頭仙掌遙相迎長
安市上見李白爲我一醉秦東亭

嵩山玉鏡

玉境見何許今旦東山陞積雨洗昏霾旭日發光
輝光輝奪人目灑灑如動移初如秋月圓漸如曙
星微曙星不能久併與晨露晞此鏡何從來造化
祕莫窺山精或寶氣恍惚令人疑誰爲問岳祇山
川英秀會有歸不能生申與甫瑞王國萬丈光芒

徒爾爲

飲酒

江南秋泉雲液濃
遼東抹利玉汁鎔
柳瓢朝傾荔
枝綠螺杯莫掩珍珠紅
此酒誰所留今日乃汝逢
仙人一丸藥洗我芥蒂胸
金沙一散風雨疾
世事盡與浮雲空
東家劉伯倫西家王無功
醉鄉日月萬萬古
眼中擾擾誰爲雄
人會有歸盡飲不飲所
同所恨獨醒人百年
枯槁中獨醒恨未通
獨醉恨

未公安得清江變醇醪盡迴天地入春風

送高信卿

高卿去歲山中居椽朝栗莫分猿狙今年移家入
城市甌中生塵釜生魚之習亦第五鬼更嘯呼
迺翁延客着上座兩兒已復遭卿掄三冬兔園冊
牧豎叫語麤溼薪煙滿眼破硯冰生鬚賣符與行
藥不養堂堂軀無衣思南州千里走單車我嘗相
夫君不是山澤臞十八學擊劍二十了陰符平生

全金言卷六十一
四
結交王與李袖中頗有魚麗圖文武志膽誰不如
不能拔劍斫鮫鱷亦當赤手降於菟胡爲堅坐守
寒饑坐令兒女悲窮途萬事糊塗酒一壺別時聊
爲鼓隴胡中原麟鳳今如此莫道皇家結網疎

荆市段志堅畫龍爲劉鄧州賦

豬龍可豢亦可屠世人畫蛇復畫魚天飛忽入阿
堅筆始覺衆史欺庸愚腥風萬里來白浪橫江湖
一麾走海若再顧失天吳浩蕩明河翻尾鬣慘不

濡只愁紙上出雷火博控大千如此珠天生神物
與化俱滅沒變見何所無逆鱗自古不受觸乃今
縮頭隨卷舒怪得堂堂髯御史平生長有雨隨車

送詩人秦簡夫歸蘇墳別業

三月不見君渴心欲生塵論文一樽酒雅道誰當
陳昨朝見君臨水句乃知抽青配白非詩人南山
明月北山雲恨君不作山東隣擊鮮爲具非無好
事者天隨杞菊年年新石田茅屋連蘇墳兩兒力

耕足養親君詩或者昌晚節不應道路長逡巡白
髮刁騷一幅巾豐年鄉社樂閒身蹇驢馳入醉鄉
去袖中知有睂山春

李參軍北上

五日過居庸十日渡桑乾受降城北幾千里出塞
入塞沙漫漫古來丈夫淚不灑別離間今朝送君
行情深留餘潛生女莫作王昭君一去紫臺空佩
環生男莫作班定遠萬里馳書望玉關我知驥子

墮地無齊燕我知鴻鵠意氣青雲端草間尺鷃亦
自樂扶搖直上何勞搏一衣做緼袍一飽首着盤
歲時壽翁媪團樂有餘歡就令一朝便得八州督
爭似彩衣起舞春爛斑去年雒陽人今年指天山
地遠馬羈破霜重貂裘寒朔風浩浩來客子慘在
顏扼胡嶺上一迴首未必君心如石頭君不見桓
山烏乳哺不得須臾閒衆雛一朝散孤雌四顧聲
悲酸寒鴛來時八九月白頭阿母望君還

長類賦 邳州鵲山

去時唐山道望望鵲山背今朝西北看奇秀益可
愛蒼茫失層疊解駁見縈帶浮雲自來去盡巧寧
變壞吳妝入小筆隱隱拂殘黛城隅靜女人不知
擁髻低顰如有待太行橫截九州半一掩一重俱
有態只知天平六峯天下稀此山東來亦間在煙
埋雨沒今幾時殆天所藏予發之郭熙未足語平
遠摹寫惟有韋郎詩

送王亞夫舉家歸許昌

天舟
汎
槩
歸
來
中

一日兩食藜藿葵三冬一褐
軒與齊監河貸粟困
欲死望望江水湔塵泥
故書一束于自攜汴兒跳
梁翠女啼出門疾走勿反顧
正恐五鬼從之西馬
中豈是無龍媒世人徒知牝
牡黃與驪只如黃金
絡頭亦不惡誰謂茅索能相
羈天公醉着百不問
汝偶而偶奇而奇前途兀兀
黑於漆昨日把笏今
扶犁乃知世間倚伏不可料
井底容有青雲梯春

風雨淮多輦鼓軍中少年舞荒鷄因君南望一大
笑落日澹澹青山低

醉後走筆

建茶三盃冰雪香離騷九歌日月光腰金更騎揚
州鶴雋永不羨太官羊短燈檠子移近牀秋風吹
簾月轉廊一歌再歌魂魄動入眼渺渺橫沅湘湘
妃漸遠望不及金支翠鬋澹飛颺漁父話獨醒孺
子歌滄浪山鬼獨一脚撫掌笑我傍湘纍歸來弔

故國遺臺老樹山蒼蒼掩書一太息夜如何其夜
未天東家女兒繡羅裳銀瓶瀉酒勸客嘗一酌均
跣顏再酌齊彭殤宇宙不今古氣節無陰陽少年
避酒不肯喫跬步乃有無何鄉愛茶愛書死不徹
乃以冰炭貯我腸世閒唯有麴生風味不可忘

南湖先生雪景乘驟圖

并序

南湖先生原武人年二十許時曾以鄉賦兩
魁鄭州然其資侷儻所以自望者甚高終不

樂爲舉子計卽棄去學擊刺當正隆征南頗
欲馳逐戎行間旣而大定詔書下兵各罷歸
先生抱利器而無所試乃浮湛里社以詩酒
自娛買田南湖之上築亭種樹徜徉於其閒
盡置家事日與賓客酣飲歌管棊槩窮日夕
不少休家故饒財又好施予其赴人之急猶
未及疾痛之在已故人尤以此歸之所與游如臨
洛王逸賓游宗之太定劉之昂其人皆天下

名士至論人物必曰靖達卿今日之奇男子
也先生生於天會初歷大定明昌泰和優游
於太平和樂之世者五十年太安兵興乃下
世生平喜作詩樂府尤有蘊藉觀西子棄瓢
詩可見也髮鬢蕭颯苧羅袂千古香溪水自
流吳越兵爭竟何得風流喻與五湖舟嘗雪
中騎青騾行京水道中作長詩卒章有安得
西都畫史吮筆出新意寫作南湖老子雪景

乘驟圖之句其子文煒北渡後來東平始以
先生之意追畫此圖求僕賦詩文煒質直好
義讀書作文有聲時輩中觀其子可以想見
先生之爲人故爲道其事并以致懷賢之思
大河茫茫白連空寒雲迢迢度南鴻汴梁高樓管
絃裏成臯行人西北風北風吹雪來飄瞥捲孤蓬
異色變慘澹元氣開洪濛襄陽潮陽詩境在掇拾
物色真難工青驟誰此游望見知是南湖翁南湖

翁少日翫麟。今龍鍾猶能吐氣萬丈如長虹。閉門兀坐意不愜。要看銀海翻魚龍。寶花世界瓊瑤宮。江山隨翁入清雄。詩成仰天一大笑。飛花落絮春濛濛。鬱鬱梁宋郊翁家。出強宗許與必豪右。收去聲

人等候封翁。年十八九弄筆學雕蟲。疊取兩解魁隱隱。何隆隆。一旦拂衣去學劍。事猿公正隆。適南征。疋馬走從戎。墨丸磨楯鼻。意與江流東。紫微出東方。淮海亦來同。都將書與劍。田間就春農。仕宦

不作邴曼容醉鄉自愛王無功鷄鷓從渠致鐘鼓
野鶴豈合棲樊籠南湖煙景多魚鳥亦從容亦有
兩小船綸竿插船篷高亭出秀樾窓戶連青紅清
飈隨睡輿暝色赴吟筇門前車馬來日釀日不供
但若佳客少焉知清興終看翁棄瓢詩調戲鴟夷
老子如兒童雄吞已覺雲夢小寒縮寧作書生窮
當年我得奉談笑晝夜肯放清樽空東家西家不
相從南海北海不相逢風流耆舊今誰似惆悵相

看是畫中

癸卯歲杏花

南州景氣暖杏花見紅梅讀書山前二月尾向陽
杏花全未開待開竟不開怕寒貪睡嗔人催愛花
被花惱不徹一日遶樹空千回牙牙嬌語山櫻破
稠爛成團稀作顆小蕾從教絳蠟封繁枝未要晴
雲裏兩月不舉酒半歲不作詩更教古銅瓶子無
一枝綠陰青子長相思今年閏年好寒節花開不

妨遲一月

留船買魚作寒節宋
方舟先生李知幾語

贈答趙仁甫

仁甫名復雲夢
人江表奇士也

我友高御史愛君曠以真昨朝識君面所見勝所
聞江國辭客多玉骨無泥塵軒昂見野鶴過眼無
鷄群想君夜醉潯陽時明月對影成三人散着紫
綺裘草裹烏紗巾浩歌魚龍舞水伯不敢嗔何意
癖夢閒失脚墮燕秦萬世一旦莫萬里猶比隣世
無魯連子黑頭萬蟻徒紛紛君居南海我北海握

手一杯情更親老來詩筆不復神因君兩詩發興
新都門回望一大笑袖中知有江南春
嘯臺感遇

徘徊五巖上浩歌彌激烈望望蟾房翁倒影乍明
滅地古足靈異祠廢餘像設子規夜啼山竹裂老
鶴亂踏枯松折嘯臺音響杳不聞蕩蕩青天一明
月荒山破瓦色十步九窪疊水泉出沮洳一綫僅
不絕翁乎何意留此居可是他山無地穴大道既

下衰日鑿聰明開玉從珪璋毀木以青黃災天和
散不留去浪無東回咄咄此老蒼骯髒作怪魁堯
年生甲子含德如未孩標枝野鹿致足樂火食屋
居良所哀史筆亦厚誣何嘗校計識與材纏身正
有一丈髮直以何物觀形骸大笑黃冠師金丹羽
化之說何從來豈知大人先生獨立萬物表太古
元氣同胞胎不見今日孫公和橫絕四海隘九垓
楛虛養生安在哉

水簾記異

癸卯九月四日
同杜仲梁賦

黃華絕境探未窮道人曾約山櫻紅鏡臺懸流不
易得世俗名取香爐峰七年長路今一到刺鯁欲
滿平生胸豈知旱久泉脉絕快意一濯無由供神
明白足還舊觀漫浪爭取微靈通何因狡獪出變
化勝槩轉盼增清雄天孫機絲拂夜月佛界珠網
搖秋風稱奇叫絕喜欲舞恨不百繞青芙蓉銀橋
清涼巔玉鏡崧丘東世外果無物邂逅乃一逢書

生眼孔塞易破勺水已復誇神功東坡撫掌應大
笑不見蟄窟鞭魚龍

洪谷聖燈

九月五日作

金門寺前山突起井底寶巖三十里舊聞聖燈在
山上紫微侍郎宜不妄山空月黑無人聲林間宿
鳥時一鳴游人燒香仰天立不覺紫煙峯頭一燈
出一燈一燈續一燈山僧失喜見未曾金繩脫串
珠散迸玉丸走杵光不定飛行起伏誰控搏華麗

清園白殊勝北荒燭龍開晦冥南極入地多異星
豈知心光毫相有真遇物外恍惚終難憑腐儒心
魄爲動蕩再拜中庭謝靈貺何曾辦作劉更生下
照乃辱青藜杖昨朝黃華瀑流神所憐今朝金門
佛燈佛作緣紛紛世議何足道盡副馬耳春風前

食榆莢

露葵滑寒羊蕨羶春榆作莢絕可憐榆令人瞑何
暇計田舍年例須濃煎簫聲吹暖賣餈天家人鑽

火分青烟長鉤矮籃走童稚頃刻綠萍堆滿前炊
飯雲子白剪韭青玉圓一杯香美薦新味何必烹
龍魚鳳誇肥鮮鼠肝蟲臂萬化途神奇腐朽相推
遷夢中鸚鵡亦大樂隨意飲啄真飛仙先生捫腹
一莞然此日何功食萬錢

李峪園亭看雨

龍山右脇松十里細路蜿蜒繞龍尾松林迫塞悶
煞渠北望玉泉疑井底玉泉元自別一天眼界郭

廓無神川金城百里纔一俯半尖浮圖插蒼烟行
行下絕巘招提忽當眼未到倦不勝小憩遂忘返
玉泉一杯甘以冽未須張陸誇冰雪主人不在客
不畱烈風崖下風颼颼石頭路滑馬蹄怯山雨未
落雲先愁將軍林園永安下秋霽村墟絕蕭灑濃
雲壓屋風打頭僅得羈銜脫疲馬只知龍山之神
神更神永安亦能撼詩人晦冥變化千萬態畫出
風雨元非真山靈亦愁歸後夜半面時時見雲罅

全金詩卷六十八
三
天瓢細灑供晚涼不似草堂迴俗駕層陰一掃羣
峯出一洗深青徹山骨夕陽展放紫翠屏只欠松
梢一輪月山中一石迴萬牛况是一壑復一邱不
如一詩招將入南州先生興來時臥游

不置醉中送陳季淵

寒食不數日天氣殊未佳翩翩金門客行行指龍
沙朝發忻城莫隴頭隴頭地寒無草芽拂雲堆邊
春更晚雪花茫茫揚白沙紇干山高凍煞雀榆葉

離離小藜薄愛君只欲苦死畱不道南飛何所樂
書生弓馬能幾何乃今寶拔金盤陶孔璋文筆妙
天下敕勒不數陰山歌向年賦奇雨擁海驅雲筆
頭注快如懷素書布障狂笑劉乂寫冰柱李汾王
鬱俱灰塵天意乃在潑陽陳舌吐萬里唾一世眼
高四海空無人殘民假息仍瘡痍誰作東山謝安
起恨我不比長桑君一月觴君上池水眼中之人
不易忘誰作冰炭置我腸衰顏明鏡兩寂寞別意

全金詩卷六十一
三
春江誰短長但願年年見顏色與君連日醉壺觴
歐陽送弋唐佐還平陽

我從商餘之山過菴羅聞君六經百家富研摩會
最上指冠巍巍豈肯俯首春官科覃懷變生十載
後我時避兵方北走通家弋宋共有無行輩許之
爲老友晉州一書君肯來握手大笑心顏開春風
着人不覺醉快卷更須三百杯鶴骨騫飛法當壽
况是丹房藥鏡畱心久崑崙神泉浸木芝乞與餘

膏潤衰朽天府學士登瀛洲松頂仙人垂直鈎愛
君直欲抵死畱自言世事非所求千古黃金鑛中
淚不獨盧仝并馬異蘇州韋郎交分深香山白傅
金玉音借渠兩詩寫我心相知非不多但苦心不
同同心一人去坐覺長安空離愁何從生生從情
愛中不見行路人拂袖自西東汾流滔滔兮日千
里青眼高歌吾老矣

寶豐山中有菴羅寺唐佐嘗
從程內翰天益問學於此

副阿耽誦

全金詩卷六十八
三
昨得商子書知有阿耽名今朝見阿耽驚喜喜復
驚迺翁雅望傾漢庭仕才千石埋九京我知渠孫
不虛生虎穴生虎子墮地骨骼成舉頭爲城尾爲
旌幾人雄猛得寧馨繡衣青春佳御史路人望見
行且止老夫從旁當說似前日晦道堂前小兒子
雷動風行自應耳藜藿不采今其始

爲程孫中鄉作

繡褥錦爲欄蘭湯金作盆名駒出注水萬馬浮雲

奔參軍愛友親弟昆御史風節海內聞諸郎楚楚
皆玉立王謝定自超人羣高樹出大根源清流不
渾千年雒陽陌赫赫于公門外翁老去住山村正
要兒童侍酒樽他日新詩一千首不愁無物餉吾

孫

湘中詠

楚山鶴鳴風雨秋楚岸猿啼送客舟江山萬古騷
人國猿鳥無情也解愁西北長安遠於日憑君休

上岳陽樓

涓川涓川行

涓川道邊日欲西誰家少婦掩面啼
漫漫長路行不徹粉綿鏡衣手自攜
自言娼家女家在梁門東夫婿輕薄兒
新人不相容憶初在家時只辦放嬌慵
爺娘惜女如惜玉近前細看面發紅
無端嫁作蕩子婦流落棄擲風埃中
可憐桃李花顏色嬌蒙茸朝看華枝好
莫看華枝空安得明珠三百斛重

簾複幕 留春風

幽蘭

無人來從舜九疑辛夷爲車桂作旂
疏麻導前杜若隨披猖芙蓉散江蘿
南山之陽草木腴澗區重複人迹希
蒼崖出泉懸素霓翛然獨立風吹衣
問何爲來有所期歲云莫矣胡不歸
鈞天帝居清且夷瑤林玉樹生光輝
自棄中野誰當知霰雪慘慘清人
呶寸根如山不可移雙麋不返夷叔
饑飲芳

食菲尚庶幾西山高高空
蕨薇露粲無人薦湘纍
山鬼切切雲間悲空山月出
夜景微時有彩鳳來
雙棲

怒虎行

答宋文之

怒虎當道臥百里不敢唾
紛紛射彪手一見弧矢
誰知世有李將軍霹靂
弦聲驚石破昨日雙南
命今日綠綺琴贈君無別物
唯有百年心

梅華

去歲梅華晚今歲梅華早和羹要佳實春風莫

草

寶鏡

寶鏡挂秋水青娥紅粉妝春風不相識白地斷肝

腸

惡雨

惡雨惡復惡龍公何遽然霆轟水塔碎電掣玉繩
連高岸皆深谷層霄一漏泉黑來疑擁海白散忽

成烟古響千門合
灑頭萬弩穿天瓢
休盡建上聲枯

早有他年張公何也然表其木於神寶學玉聯

綦威卿毅挽辭

東海于門舊桐鄉
邑墓遷綦東海人威卿之祖侍
祠公知忻州因家焉

芝蘭宜有種珠玉自成淵
慈母依隣切名郎獲譽

先家華非日損信厚出天然
詣理言猶訥持心靜

益專笑談千里到咳唾
百金捐論齒推予長垂髻

得子賢通家仍孔季知已與
王田刻責誰斯切推

我輩最所偏孤嫠平日託昆季再生緣
摧割詩寧寫精微夢或傳都將百年淚
一慟夜臺前

贈祖唐臣

誰道壞復壞知言能幾人陵夷隨世變
巧偽失天真鬼蜮姦無盡優伶伎畢陳
謗傷應背裂淫褻亦肌淪珉玉何曾辨
風花祇自新憐君用幽意老矣欲誰親

月觀追和鄧州相公席上韻

月觀知名舊池亭發興偏露涼驚夜鶴風細咽秋

蟬綠泛兵廚酒紅依幕府蓮無緣逐清景空羨飲

申仙池正神會落風林派自洗得昏眼幽意未矣

其出方城道中懷山中幽居

技拙違時用年饑與食謀江山貧士嘆日月賈胡

留楚客頻招隱文園故倦游衡門有幽事還我北

窓秋

孟州夾灘飲承之御史家

同欽
叔作

美酒禁愁得芳梅發興饒紛紜聊且置魄磊故須
澆鷄黍成前約干戈有此宵平生楊大理惜不預

佳招

雲卿赴召五日矣

寄贈龐漢茂弘

之子貧居久詩文日有功苦心嗟我見高誼許誰
同萬里虎食肉一鳴雞長雄皇天老眼在且莫怨

丘中

洛陽古城曦陽門早出

乘月出曦陽黎明轉北岡荒村自鷄犬長路足豺

狼天地憐飄泊風霜憶閉藏微吟許行役凄斷不

成章里食肉一則繼身華皇天未忍其其莫

志千聞希顏得英府記室善心善法良高道指

近得髯參信知從兔苑游文星映朱罨勝槩減黃

樓進退存中道功名接上流徒懷貢公喜塵土隔

瀛洲秦丸前除干戈亦北背平土慰大聖謝不

美豈得姪博信二首與謝會歸和北並與答對

日歸州姪知從虎穴還百年陰德在幾日鬢毛
斑隔澗家仍遠羈棲食更艱誰憐西北夢依舊遶
秦關

號驛傳家信坤牛玩吉占團圓知有望悲喜亦相
兼過眼書重展伸眉酒屢添關河動高興百遶望
清蟾

阿干始生

四十舉兒子提孩聊自誇夢驚松出笋兆應竹生

花田不求千畝書先備五車野夫詩有學他日看
傳家

長壽新居二首

同仲
經賦

隱去心初在親朋復此偕荒田歸別業高樹表新
齋泉石深三逕風塵限兩崖青山坐終日無物寄
幽懷

昔有姜夫子來家寂寞濱墓田耕已熟碑石字猶
新詩酒娛中歲山林有外臣三生可信否吾亦寄

前身

宣和中姜夢得處士常隱于此墓碣在焉夢得曾上書仁宗既老以詩酒自娛碣文說地

名白鹿原

長壽村也

少林雨中

西堂三日雨氣節變蕭森
偃臥復欹臥長吟時短
吟鐘魚四山靜松竹一
燈深重羨禪棲客都無塵

慮侵

得一飛姪安信

音問他鄉隔存亡此日知
夢中憂凍餒意外脫艱

危避地何嗟及還家敢恨遲衰年吾事了似有鹿
門期

送母受益自潞府歸崧山

薄俗科名賤孤生志願違正須謀獨往何暇計群
飛泌水真堪樂荊州况可依青山吾舊隱此日羨
君歸

寄程孫鐵安

御史陰功在孫兒玉不如能騎竹馬想亦愛銀

魚異燕鷗山濶衡門骨肉疎幾時隨阿舅盡讀
家書

贈汴禪師

道重疑高蹇禪枯耐寂寥蓋頭茅一把繞腹篋三
條趙子曾相問馮公每見招風波門外客無事且
相饒

巳亥元日

五十未全老衰容新又新漸稀頭上髮別換鏡中

人野史纔張本山堂未買隣不成騎瘦馬還更入
紅塵

發濟源

早嘆今年劇他鄉底處歸羸糧失先具涉世本無
機棄擲烏皮几徘徊白版扉殷勤雙語燕媿汝遠
相依

答潞人李唐佐贈詩

聞道嗟予晚求師愧子賢泥途終自拔璞玉豈虛

捐書破三千牘詩論二百年文章有聖處正脉要
人傳

懷粹中

醉解不復寐吟君田舍詩從知石門老未比木菴
師日月淹書尺江山入鬢絲何因重談笑却似少
林時

同周師夢卿崔振之遊七巖

定襄七巖

客路頻年別僧居半日閒同遊盡親舊舉目是家

山世事風塵外詩情水石間悠然一樽酒落景未

知還

送崔振之迎家汴梁

老伴不易得殘年唯有閒桑麻一村落鷄犬兩柴
關樊守能供酒周侯許買山從今釣溪上日日望
君還

續陽平十愛

我愛陽平酒與厨釀去新百金難着價一瓊卽醺

人色笑榴花重香兼竹葉醇爲君畱故事喚作杏

園春

杏園指紀子
正家園爲言

送田益之從周帥西上

市近廚無肉書香橐有蟲深居誰不樂

去聲

兀坐竟

何功天日伸睂後江山洗眼中蓬萊如可到剩借

玉川風

有所謂

十月四日往關南

短日晨光澹高風宿靄澄山寒渾欲雪水涸劣能

冰振厲時何有躋攀倦不勝哦詩聊自遣松液已

香凝

子方釀松膠當以今日熟故及之

寄王文德新二首

德新時在汝州

沙際春還去雲頭雨不成興來誰共醉事往獨含

情紫邏畱行客黃流隔戍城岸花何處在空憶權

歌聲

孟津時事

清汝風華地平生記此游酒能千日醉春必萬金

酬攬鏡非遲莫逢花儘滯畱只應歌笑處偏欠李

鄜州

欽叔時赴
鄜州幕官

舊國

舊國分崩久孤兒展省初
客衣畱手綫驛傳失肩輿
夢拜悲兼喜心飛疾亦徐
殷勤南去鴈先爲到商於

甲辰夏五月積雨十餘日不止遣悶二首

甲子霖霖雨巡簷悶不禁
幻泡成實相水樂激哀音
瘴海聞天漏堯年見陸沉
騫飛想雲表癡坐若

爲心

南史王景文傳人居貴要但問心若禮也

甲子霖霖雨農郊搏手空排牆寧有禮爲壑竟何

功戰蟻侯王上鳴蛙意氣中掃晴應曉夕少忍待

秋風

排牆事見王衍論云排牆之壓猶有爲耳

陽泉棲雲道院

方外復方外翛然心迹清開窗納山影推枕得溪聲
川路遠誰到石田平可耕霜林不嫌客畱看錦

崢嶸

劉子中夢菴

寤寐生與死幻歟爲是真如何夢中境不屬覺時
人朝徹從渠夜形開亦此神殷勤花上蝶分我漆
園春

丙午九日詠菊二首

秋菊有何好祇緣風露清花中誰比數霜後獨鮮
明九日惜虛過一樽還自傾今年病居士吟遶更
關情

几案得新供小窗幽更宜風霜寧小怯根撥要深
移黃素金行正芳甘藥品奇三薰復三沐歲晏與
君期

酬中條李隱君邦彥

川路限南北相逢今白頭蟲沙非故國人物自名
流學道慚高步畱詩惜暗投歸秦如有便終伴竹

林游

邦彥自關中徒步省其季
父於集寧故有竹林之句

送邦彥北行

比數推前輩陪從結後緣川涂卽睽隔詩酒重畱
連白鶴歸華表青牛得老仙秦山好行脚倚杖待
明年紫微劉丈雅有游秦之典故篇中有及

壬子月夕

明月復明月今年還遠遊關河動歸興時節重離
憂老眼耿無寐病身偏覺秋遙憐小兒女把酒望

東州

七月十六日送馮揚善提領關中三教

爲愛秦中好西遊日苦遲青雲動高興白首得新
知道在貧何病官閒老更宜相思詩酒社無計與
追隨

京兆漕司官居三首

符節推通貴江山入勝游名園隨地改高棟與雲
浮簿領歸閒暇鶯花接獻酬不知秋夜月何似庾

公樓

複嶺雲橫野孤峰玉柱天遙知開館日別破見山

錢夢出紛華外詩來寂寞邊亭中誰舉酒高興想
悠然

聞說梅軒好長吟有所思入簷看瘦影挂月見橫
枝東閣今千載風流彼一時西遊會有約到日更
題詩

甲寅正月二十三日故關道中三首

雪碯不得過陽陂如見留林煙常暗澹木葉白颼
颼齒髮悲行役鶯花惜舊遊塵埃與風雨看待幾

時休
千里不易到三冬須少留居情猶晉產去意已雕
丘遠出每爲苦雄誇還自羞君心未肯在應待肯
時休

六十復半十年年添白頭祇知詩遣興未覺酒忘
憂人七因循過元宵塊坐休殷勤行記土今日是
東州

送閻子實焦和之北上

秦府賢初聚瀛洲路不遙謨謀在廊廟物色到漁
樵布褐豈終隱旌車行見招春風雨黃鵠老眼看
雲霄

庫城

浩浩庫城水岸高知幾等疎林護懸險絕壁入清
深跼步無曠迹勞歌惟苦音年年一來此老我亦
何心

婁生北上

并府虛荒久大城如廢村草茅知世故泉壤隔天
 闔六月甘霖浹一言陰理存明年佩符節知有奉
 春孫

遣興

几案滿書史欣然忘百憂一篇詩遣興三醖酒扶
 頭千載陶元亮平生馬少遊但留強健在耆矣復
 何求

示白誠甫

之子吟爆竹廼翁欣樹萱崑山多美玉江水發初
源名教有樂地詩書皆雅言通家吾未老倚杖望

高軒

送文生西行

今夜東山月隨人
無幾程從軍少年事分手故鄉
情渭水風露早
灤川煙樹平相招有仙掌無計與
君行

挽趙參謀二首

偃息參戎幕敦龐一褐寬儒宮親俎豆賓榻老衣

冠石動心寧轉河清笑自難殷勤題畫像留與後

生看

一云留作典刑看

篇什中州選兵閒僅補完風人定誰采墨本賴君

刊雅道煙沉易幽光發越難高門有孫息玉立看

儒冠

答弋唐佐

遭亂無安地分憂得若人鄉隣存世譜骨肉到情

孰信默餘天粹咀嚙有道真懷哉沂水上同詠舞
雩春

嗣侯大總管哀挽二首

孔俗資財勁將軍迥不群賓筵推雅量戰艦望奇
勲運隔黃圖日神馳紫塞雲祇應吳季子撫樹惜
徐君

倚仗難前料乘除忌蚤成老親如宿昔世爵見哀
榮劍鬱雙龍氣碑留九虎名感歌凡幾解千載賁

佳城

不寐

不寐復不寐悲吟如自讐雞棲因失曉蟲語苦爭
秋日月虛行橐風霜人飲裘誰舞戾開府直欲賦
澆愁

送楊叔能東之相下

海內梅可戶聲名三十秋文高徒自苦食盡與誰
謀
相風霜飽芳蘭澗壑幽東游無可慮敬客有

蕭侯